

О АПАКЯЛЕ

Состе иринде то девликано зоралипе,
животоспасително, он, о парагиозлидес, хохавне,
апакяле саде моске -изавриял, а кале ан пе вогесте.
Иринде тут лилоресте ккойняло, шъбъркилно, саво
е хастретиен чоре-чорярел, спасинкярел е чорен!

Ашал е лилореске ден, бикнен тай пребикенен
ма саде пе ппралес, пе пашалес, тай е доманес... Те овел ленгоро
покинен тай изкинен састо поро дендипе-иклибе анди ппувяни безех,
зулуми-дошалипе, жангавдипе, бияндипе тай мударибе
е совавне шукарняке!

Молинен пес, хан совел упрал лесте те биянгъовел бут...
Трушалдинен лес ан о соибе-да, тай на яве, по бут катар о
айри, ккам тай пани. Обречинен лес, уж е чороронге, ама
ден лес сар дарос моске, саде ан и клопка кермусенге, варенже би
киралескири трохица.
Ират о диес, генен тай прегенен лес ан о сейфи или гаравдуно ттан...
Бривен пе иле рохава жалимнастар. Барярен пе даракири дар...
Утутум те на доресел лен девъри ил па мударибе...
Аравди ил па астарди пералня, журналистикано ил па крисутне
родипенастар-родиба.

Апакяле си о апакяле парагъозлидес -
ачука вакерен, съмнение нанай ан састе ноткате андо дуйняс,
ама по-бут, саде андо лилало воги-лове апакян-чачес...
Сайдинен девлеске-служоба, саде ан пере песке сметкате ан и банка
ккойняли жи бистердимнасте, дилипе баро, би космикано дилипе...

Е найенгоро докундиба ки ккони гнетиме си едики бари традиця
- урявкярел воги девланутнес отчивел варенже морали, муй, устунлуки,
сила. Ехмиба тай евалла! Геберутно алъндипе, саво бикенел о трушало
воги ачигиозно...

“Лове”, ттовде то англуно алав Девлано, вуцендар, гогятар вакердо
презал о животос харно! Саве вакерен, кай си апакяле
тере живдипнасте тай Торо зоралипе!
Лове! Роден тери ппакин, еле кана проперен анде букайнгоро
ттагарипе, кана воги, духос тай телос проперел отте...

Тай лачес, кай си по-хари катар о екваш амаро, амендар!
А о апакяле, саве апакян чачес-чачунес, апакян, кибор да те си хари!
Тай ленгири апак, ухтавел саворен амен! Ухтавел купате амен!

